



**Ассоциация «Оленеводы Мира»**  
**Association of World Reindeer Herders**

**BOVDEHUS OASSÁLASTIT RIIKKAIDGASKASAŠ MÁNÁIDTEVDNENGILVVUS**  
**“MÁNÁT BOAZODOALUS 2013”**, Boazoálbmogiid 5. Máilmmikongreassa  
oktavuođas, Aoluguya, Genhe, Inner Mongolia Kiinnás suoidnemánu 24. - 29. b.  
2013.

Mii bovdet dáikko bokte boazodoallománáid iešguđet regiovnain miehtá  
sirkumpolára guovllu sáddet iežaset tevnnegiid ja oassálastit gilvvus “Mánát  
boazodoalus 2013”. Gilvu lágiduvvo Boazoálbmogiid 5. Máilmmikongreassa  
oktavuođas Aoluguya, Genhe, Inner Mongolia Kiinnás suoidnemánu 24. - 29. b.  
2013.

Buot tevnnegat mat bohtet midjiide ovdal áigemeari, leat mielde gilvvus mas 10  
tevnnega bálkkašuvvojit vuorbádemiin. Tevnnegat galget leat mielde čájáhusas mas  
lea seamma namma “Mánát boazodoalus 2013” Boazoálbmogiid 5.  
Máilmmikongreassa vuolde. Miellodusin lea dárkileappot dieđuid gilvuu birra oktan  
oassálastinnjuolggadusaiguin, gáibádusaid ja áigemeari birra, gosa sáddet  
tevnnegiid ja eambo dieđut bálkkašumi birra.

Mii dáhttot sin, geat ožžon dán reivve, veahkehit min juohkit ja dahkat dán  
bovdehusa dovddusin vejolaš gilvaleddjiide sin guovllus ja regiovnas.

Giitu ovddalgihtii!

Guovdageaidnu, miessemánu 24. b. 2013,

Dearvvuođaiguin,

Johan Mathis Turi  
Generálačáli

Elna Sara  
Kongreassa Koordináhtor

Miellodus: Dieđut ja oasálastinnjuolggadusat riikkaidgaskasaš  
mánáidtevdnengilvvus “Mánát boazodoalus – 2013”

Mielddus:

## **DIEDUT JA OASÁLASTINNJUOLGGADUSAT RIIKKAIDGASKASAŠ MÁNÁIDTEVDNENGILVVUS “MÁNÁT BOAZODOALUS – 2013”**

### **Ovddasvástideaddji lágideaddji**

Máilmmi Boazoálbmogiid Searvvi (WRH) čállingottis Guovdageainnus Norggas lea ovddasvástáduš gilvvus. Gilvu lágideaddji Boazoálbmogiid 5. Máilmmikongreassa oktavuodas, mii lágideaddji Aoluguya, Genhe, Inner Mongolia Kiinnás suoidnemánu 24. - 29. b. 2013.

### **Gii sáhtta oasálastit?**

Boazodoallománát gitta 16 jagi rádjái ieš guđet regiuvnain miehtá sirkumpolára guovllu sáhttet oasálastit gilvvus iežas tevnnegiiguin.

### **Fáddá**

Gilvvu fáttá lea “Mánát boazodoalus”. Mii dáhttu tevnnegiid mat govvejit boazodoalu ieš guđet guovllus, nu go mánát oidnet ealáhusa. Ovttaskas oasálasti sáhtta ieš mearridit maid tevdne nu guhkka go lea juoga mii lea čadnon boazodollui.

### **Mii gáibiduvvo?**

Tevnnegeat sáhttet leat liánttasárgumiid rájes gitta akvareallaide, muorras dahje linoleum-deaddiluvvon govat, oljomálemat jna. Tevnnegeat sturrodat galgá leat unnimusat A4-sturrodat ja eanemusat 4 x A4 sturrodat. Tevnnegiid ii galgga rámmet. Tevdnejeaddji namma, ahki, orrunbáiki, regiuvna ja riika galgá čállot tevnnegeat vuollerávdii, juoga gurut dahje olgeš beallái. (*Ovdamearkka dihte: Ivan V. Galkin, 4 jagi, Lujávri, Murmansk Oblast, Ruošša*) Sáhtta maid čállit skuvlla, mánáidgárddi dahje boazodoalloovttadaga nama, jos háliida. Sáhtta maid bidjat nama govvii, muhto dat ii leat gáibáduš iige atte makkárga ovdamuni gilvvus.

### **Árvvoštallan ja bálkkašupmi**

Nammaduvvo joavku kongreassas mii vuorbáda dan 10 gova mat ožžot bálkkašumi. Buot oasálastit geaid tevnnegeat dohkkehuvvojit leat mielde gilvvus ožžot diploma mas duodaštuvvo ahte lea leamaš mielde gilvvus “Mánát boazodoalus – 2013”.

### **Oamasteapmi, čájáhus ja almmuheapmi**

Buot tevnnegiid maid oážžut gilvui geahčastuvvojit leat WRH opmodahkan ja vurkejuvvojit searvvi vuorkái. Buot tevnnegiid čájehuvvojit sierra čájáhusas man namma lea “Mánát boazodoalus - 2013” Boazoálbmogiid 5. Máilmmikongreassa vuolde Aoluguya, Genhe, Inner Mongolia Kiinnás suoidnemánu 24. - 29. b. 2013. WRH maid várre vuoigatvuoda čájehit tevnnegiid mañit áiggis WRH lanjain ja ieš guđet lágideaddji WRH olis. WRH várre maid vuoigatvuoda válljet tevnnegiid mat galget lea mielde girjjis “Mánát boazodoalus 2013”, mii prentejuvvo ja almmuhuvvo mañná kongreassa. Vejolaš sisaboadut girjji vuovdimis mannet ruhtadit WRH bargguide boazodoallománáid ja –nuoraid várás.

### **Tevnnegiid sádden, áigemearit ja eará**

Tevnnegiid maid háliida galget leat mielde gilvvus, ferte sáddet čuovvovaš čujuhussii: WRH, P.O.Box 109, N-9521 Kautokeino, Norge. Dušše originálatevnnegeat dohkkehuvvojit. Ii leat doarvái sáddet kopiija tevnnegiin. Gáibidat olles nama ja čujuhusa, ja dieđuid mat galget leat tevnnegeat, gč. čuoggá 4 bajábealde, jos tevnnegeat galget leat mielde gilvvus.

Tevnnegiid maid sádde poastta mielde, galget leat WRH kantuvrras ovdal suoidnemánu 10. b. 2013. Dušše tevnnegeat mat leat boahán WRH kantuvrii ovdal áigemeari leat mielde gilvvus. Kongreassa sáttuolbmot ieš guđet guovllus sáhttet váldit mielde tevnnegiid sin guovllus. Mii dáhkidat ahte tevnnegeat maid sáttuolbmot buktet kongressii, leat mielde gilvvus.